

WIKIPEDIA

Baitul Hikmah

Baitul Hikmah (Bahasa Arab: **بيت الحكمة** *Bait al-Hikma*) adalah perpustakaan dan pusat penterjemahan semasa era kerajaan Abbasiyyah di Baghdad, Iraq^[1]. Ia dianggap sebagai pusat intelektual dan keilmuan semasa Zaman Kegemilangan Islam.

Isi kandungan


Latar belakang

Di bawah Al-Ma'mun

Kemusnahan oleh Mongol

Darul hikmah lain

Rujukan



Manuskrip saintifik terawal berasal dari Era Abbasiyyah.

Latar belakang

Baghdad terkenal sebagai pusat keilmuan semasa zaman Abbasiyyah. Sarjana-sarjana zaman Abbasiyyah banyak menterjemah hasil kerja asing ke bahasa Arab dan Parsi. Kerajaan Abbasiyyah juga membina perpustakaan yang besar, dan menarik kedatangan sarjana dari Empayar Byzantine^[2].

Pada masa pemerintahan Harun al-Rasyid didirikan Baitul Hikmah yang kemudian disempurnakan oleh puteranya, Al-Makmun pada abad keempat. Baitul Hikmah berfungsi sebagai pusat ilmu dan perpustakaan. Di situ para sarjana sering berkumpul untuk menterjemah dan berdiskusi masalah ilmiah. Khalifah Harun Ar-Rasyid kemudian Al-Makmun secara aktif selalu ikut dalam pertemuan-pertemuan itu.

Baitul Hikmah pada mulanya hanya berminat untuk menterjemah hasil kerja orang Parsi, bermula dari bahasa Pahlavi, kemudian Syriac dan seterusnya dari bahasa Greek. Oleh itu banyak terjemahan dilakukan dalam bidang astrologi, matematik, pertanian, perubatan dan falsafah.

Rahsia membuat kertas yang mereka peroleh daripada banduan Cina semasa perang Talas (751) merencanakan lagi penghasilan buku dan pembinaan perpustakaan. Seterusnya konsep katalog perpustakaan diperkenalkan di Baitul Hikmah dan perpustakaan lain di mana buku-buku disusun mengikut genre khusus dan kategori.

Di bawah Al-Ma'mun

Di bawah pembiayaan Khalifah al-Ma'mun, ekonomi Baitul Hikmah secara amnya telah meningkat. Tambahan pula, masyarakat Abbasiyyah sendiri memahami dan menghargai ilmu pengetahuan, dan sokongan juga datang dari pedagang dan tentera. Ia adalah mudah untuk sarjana dan penterjemah untuk mencari rezeki dan kehidupan akademik dianggap sebagai simbol kedudukan; Pengetahuan saintifik dianggap sangat bernilai sehingga buku-buku dan teks kuno kadang-kadang lebih dihargai dan bukannya kekayaan.

Baitul Hikmah bukan sahaja sekadar menjadi pusat akademik. Ianya juga menjalankan pelbagai fungsi di Baghdad. Para sarjana dari Baitul al-Hikmah biasanya bertugas sebagai jurutera dan arkitek dalam pelbagai projek pembinaan, menyimpan kalendar rasmi yang tepat, dan menjadi penjawat awam. Mereka juga bekerja sebagai doktor dan perunding.

Al-Ma'mun sendiri terlibat dalam kegiatan Baitul Hikmah, kerap melawat para sarjana dan bertanya tentang aktiviti mereka. Beliau juga akan mengambil bahagian dan membahaskan debat akademik. Diilhamkan oleh Aristotle, al-Ma'mun mengadakan sesi perbincangan dan seminar secara kerap di kalangan pakar-pakar di kalām. Kalām adalah seni perdebatan filosofis yang dilakukan oleh al-Ma'mun yang dipelajari dari gurunya, Ja'far.

Semasa perdebatan, para ulama akan membincangkan kepercayaan dan doktrin Islam asas mereka dalam suasana intelektual yang terbuka. Beliau melantik beberapa sarjana dari Baitul al-Hikmah untuk terlibat dalam beberapa projek penyelidikan utama.

Pada masa itu, Baitul Hikmah berada di bawah seorang penyajak dan ahli astrologi Sahl ibn-Harun. Sarjana lain yang dikaitkan dengan perpustakaan tersebut adalah al-Khawarizmi, al-Kindi, Mohamed Jafar ibn Musa dan Ahmad ibn Musa.

Hunayn ibn Ishaq ditugaskan dalam kerja menterjemah oleh Khalifah dan antara penterjemah terkenal pada masa itu adalah Thabit ibn Qurra. Terjemahan pada masa ini adalah sangat bermutu tetapi kemudiannya penekanan terhadap terjemahan menurun kerana idea baru menjadi lebih penting.

Baitul Hikmah berkembang maju di bawah pengganti al-Ma'mun, al-Mu'tasim dan al-Wathiq tetapi menurun di bawah pemerintahan al-Mutawakkil. Ini mungkin disebabkan al-Ma'mun, al-Mu'tasim dan al-Wathiq mengikut mazhab Muktazilah tetapi al-Mutawakkil mengikut aliran Islam tradisional. Al-Mutawakkil mahu menghentikan merebaknya falsafah Greek yang merupakan salah satu asas ajaran Muktazilah.

Kemusnahan oleh Mongol

Sama seperti perpustakaan lain di Baghdad, Baitul Hikmah dimusnahkan semasa pencerobohan Mongol pada tahun 1258. Dirikan Sungai Tigris menjadi hitam selama enam bulan kerana dakwat dari buku-buku yang dihancurkan ke dalam sungai. Lebih kurang 4000,000 manuskrip dapat diselamatkan oleh al-Tusi sebelum pengepungan berjalan^[3], yang membawa manuskrip-manuskrip tersebut ke Maragheh.

Darul hikmah lain

Beberapa tempat juga digelar *Darul Hikmah*

- Di Kaherah, *Darul Hikmah* merupakan nama yang diberikan kepada Darul Ilmu, yang ditubuhkan pemerintah Khalifah al-Fatimiyyun Al-Hakim bi-Amr Allah pada tahun 1004 CE.
- Terdapat institut penyelidikan di baghda yang dipanggil *Bayt al-Hikma* sempena pusat penyelidikan zaman Abbasiyyah. Mahupun kompleks ini mengandungi madrasah abad ke-13, ianya bukanlah bangunan yang sama dengan *Baitul Hikma* Zaman Pertengahan. Kompleks ini rosak semasa Pencerobohan Iraq 2003 [33.3423°N 44.3836°E](https://tools.wmflabs.org/geohack/geohack.php?pagename=Baitul_Hikmah¶ms=33.3423_N_44.3836_E_scale:1250) (https://tools.wmflabs.org/geohack/geohack.php?pagename=Baitul_Hikmah¶ms=33.3423_N_44.3836_E_scale:1250)



Ahli perubatan mempelajari kaedah bedah rumit.

- Perpustakaan utama Universiti Hamdard di Karachi, Pakistan dipanggil 'Bait al Hikmat'. Ia merupakan perputakaan terbesar di Pakistan^[4]

Rujukan

1. Iraq:The 'Abbasid Caliphate - Britannica Online Encyclopedia (<http://www.britannica.com/eb/article-22884/Iraq>)
2. Wiet. Baghdad (<http://www.fordham.edu/halsall/med/wiet.html>)
3. George Saliba, 'Islamic science and the making of the European Renaissance (<http://books.google.com/books?id=Boc0JjGRPF0C&printsec=frontcover&dq=george+saliba+islamic+science&hl=en&sa=X&ei=ULgwT4OMKcfigggfxmM2nBQ&ved=0CDQQ6AEwAA#v=onepage&q=400%2C000&f=false>)', p.243
4. Bait al hikmat

- Morelon, Régis; Rashed, Roshdi (1996), *Encyclopedia of the History of Arabic Science*, **3**, Routledge, ISBN 0415124107
- Encyclopedia of the History of Arabic Science (limited on-line access) (<http://www.questia.com/PM.qst?a=o&d=104098888>)

Diambil daripada "https://ms.wikipedia.org/w/index.php?title=Baitul_Hikmah&oldid=4616124"

Laman ini kali terakhir disunting pada 08:17, 2 Ogos 2019.

Teks disediakan dengan Lesen Creative Commons Pengiktirafan/Perkongsian Serupa; terma tambahan mungkin digunakan. Lihat Terma Penggunaan untuk butiran lanjut.